

大清光緒十四年

本館新聞除禮拜外日出一紙諸君賜閱本報者無論本埠外埠均可函致本館取閱如外埠閱報照加寄費可也除日報照常刊送外復不惜工本從英國採辦釘書裁紙各機器以待與各官商刊印書籍單件並有英國各體活字及各式花邊等延有西人印工藝甚精所有中西文字均能刊印並有石版印字大小機器均用精工刊

第一千九百三十二號

申報

本館開設在舊巴武口門牌第十四號

印工絕倫前延有文士書寫各種文字現由上海購到各種書籍出售其書目另行刊佈所有各項價甚相宜再本館所登來札原擇其有關世道人心者附登亦不須無礙於人而後始錄其有謬誤成文以及支離費解者概不登報嗣後諸君來札尚祈自諒更須寫真簡里而後敢登但來稿登與不登均不能將原稿收回也 本館謹白

戊子三月廿四日

凡刊印告白第一日每一字一仙第二日以下每字半仙 (大英一千八百八十八年五月四號禮拜五) 凡刊印告白第一日每一字一仙第二日以下每字半仙

寄報聲明 ○啟者本報所出報紙其價係按年而算而半年開單一次領取單價此與零沽者有所不同近見外埠諸君取閱本報者或有僅一二月之久即為止截其更有取巧者取閱本報治屆半年開單往收報價之時則竟託詞謂已致函本報着為停寄何以復送前來緣是耶誤圖沒報資味堪恨竊思本館之報原期大眾同觀事之濟否不在一人倘不欲賜閱即以一函投諸本館斷無有不為之止截豈有強人看閱之理則此言之詐可知茲特聲明 諸君止看本報者必須作函由國家信館寄投之本館始為准信倘本館未接來函為派送則不妨再為示教至於取閱報紙必須至一年半年方能止截否即作為零沽當按價索償勿謂言之不預也特此聲明 本館謹白

書本報俄心叵測事後

前報俄心叵測一事言俄廷派員游歷中國之內外蒙古西藏新疆等處越十年而後返將其山川城郭險阻情形筆而紀之以覆俄廷噫此實俄人不軌之謀在中國不可不防其漸也今中國與各國通商無詐無虞皆能推誠佈公固不虞有爭攘之患雖中外交涉之端不無齟齬然旋起旋結亦不至有決裂之虞至近來與中國不甚相得之邦則惟法俄而已夫國則因越南之事與中國相見戎衣然越事既平尋復乘隙修好日本則惟臺灣一役與中國有所齟齬當時彼欺我耳目之未周故敢以行其恫喝畢竟國小財輕無能為力故惟於高麗等處隱相窺伺今高麗復與各國通商已杜日本垂涎之念然則日亦無可慮矣今中國所深慮者惟在於俄蓋俄人壤地與中國新疆隣近昔年逆酋柯古柏之亂俄人即乘機畧取多城當是時已露其貪圖新疆之心迨亂事平後俄人迫於公論不得不將侵地退回然尙割去天山以北一帶地方可知俄人圖取新疆固已寢饋所不能忘者此意也不惟中國知之即各國之人亦無不共知之而俄所以未即猝發者特以未有其機且不能計出萬全故仍有待耳今既命人以游歷為名稽查中國之險要則其心已顯然若揭更觀該員所到之處均盛言其官長待民之虐而說其叛中而附俄該員有言與俄鄰近之人聞彼所言恨不得俄軍即日前來撫有其地又曰各該處人之望俄有若大早之望雲霄者嗟乎此何言也豈有約之邦所能道之言哉即此數言已可見俄人之志雖此語出自俄國游員之口然設非俄廷有所授意則該員亦何至有是言哉且俄人邇來岌岌籌兵雖曰因局起見然歐洲之亂未必遂成歐亂亂不成則能保俄人之必無南向乎且俄近日大為整頓彈春但此地商貨不多地方不廣何勞重軍駐守而俄所以岌岌以兵實其地者實為進窺中原起見蓋其地與新疆隣近故藉化以爲南犯之基也且尤有深為可慮者近來俄國大築車路於西卑利亞一帶工程浩大異常已成之路固無論矣今所欲增築者計分三段自打穆斯克至額爾庫特斯克爲第一段自拜客爾湖至納爾噶斯克爲第二段自烏蘇里至滿潮斯德爲第三段特派俄將鈞羅夫伯及依奇納奇夫二員督辦各事宜而以陸軍大臣總其成限以五年成功他日功成由俄京直抵滿潮斯德地方數萬里之程途不過半月可達按西卑利亞一帶枕近中國新疆其路綿亘周回在新疆蒙古黑龍江之北吉林之東俄人此舉大有關係於中朝在中國不容不預爲之計者也嗚呼俄人之志固無日不在中原蓋其圖既大其兵復強所以未能操必勝之權者蓋緣國欵空虛故未能多籌糧食耳總之俄人蠶食之心固已不殊明不諸人更觀其偵探中國舉動時刻留心每遇中國籌邊則無不羣相猜訝此所謂心虛多惑也噫俄之舉動如是則中國可不亟有以籌及之乎

英京電報 ○廿二日英京發來電報云英國水師提督來打在京京店士河之濱里哥碼頭登船不意偶然失足墮於河中遂至斃命云云因按其地既屬碼頭則水斷非甚深且爲水師提督則待從未必無人何至有不能救援之理且身爲水師武職大員其平日在水師學堂學習之時亦應諳熟水性何至在碼頭失足即喪其生大抵此中另有詳細情形電文簡略未有爲之道及耳

新金山事電音 ○昨接電報言有華人一百七十名往新金山之買望地方該處有司不許其登岸云云刻接二十二日英京發來電報云現在諸華人以不能登岸故皆回香港矣

意事電音 ○廿二日羅馬都城發來電報云現有意大利之炮兵一隊在該處操演不意有一開花彈子內藏炸藥一時迸裂遂致傷拿波路國王世子兩足云致所傷輕重則電報尙未有明文也

大降每担至三十五元然則較常價所差無幾更聞有商家昨日接悉英京電報則每級復降價十磅不過價值九十二磅而已故昨日叻中銀價又致大減相聞買主僅出至廿五元故尚未成沽但本坡當錫價正旺之時諸商多竭力籌辦今市價頓落誠恐受其虧累者實不堪言矣

新金山專電音 ○廿一日英京發來電報云現有華人二百七十名前往新金山之買望地方抵埠之後該地方官竟不准其登岸云噫法令至如是之苛則此地恐亦非樂土也

法京電報 ○廿一日法京發來電報云法國前者議開班那馬河欲行售賣股票一事前奉法廷批駁不准行嗣此事發交議院公議現經議院諸人議准想不日即可舉行矣

定期祝嘏 ○近來將屆英皇誕降之期本坡各官因選擇良辰以行恭祝之禮現本坡國家已議於西本月三十號即華四月二十日禮拜三給假停公俾得舉行祝嘏之禮云

公餞定期 ○前報沙八君以事將返英京而本坡諸西商等驟筵以申公餞一事刻聞業已定期於廿四日禮拜五在西商公所聯請以誌離懷云

病囚感數 ○本坡獄囚因疫而死者疊經錄報計諸囚之患病者共八十八名而死者已五十一名醫愈者廿七名惟尚有二名患病頗危諒難收藥其餘諸囚在牢獄醫院內就醫諒亦無大害云

批駁新律 ○閱檳城西字報云前者本坡國家所立葬地新章現奉英京理藩院之令此律着不准行命前督再定善章為之酌辦云然則前者所議葬地之章諒已作為罷論矣

命案詳泉 ○石匠陳美利張亞瑞以鑿石之鎚擊傷同伴陳有恩遂致斃命一案本報業經登錄現此案於二十一日經在巡理府右堂晏太守案前審訊而被告所延狀師奴魯申不允在府堂辯論是以將案詳解泉堂再為審決而被告狀師復請將陳美利一名保出在外候訊云


違例被控 ○安南輪船沉溺一事死者實繁有徒現聞國家以該船有犯一千八百七十四年所定第六條第九節之律故將該船主及舵工控告蓋以其所載之客有逾定限故也現此案於廿一日經在府堂集訊而主控總差巴智申因請府尊展限一禮拜再行提訊經府憲准如所請判將此案押候廿八日再訊云

補牢已晚 ○爪亞各地立法當奇待種植諸人以故紛紛言往北慕娘各情形迭經錄報此專在爪亞之荷官初尚不以為意近見徒者日眾大勢不佳始有自危之心故現在已將該處地理舊章酌為更改并出示通知諸佃戶俾知有便於民冀藉以為挽留之計云云按荷官此舉實不得已之所為然恐亡羊既甚始議補牢勢已不能及矣因查爪亞各地求墾田土之法則該佃戶先行入稟於督轅總督閱稟後乃將稟發交該地方官地方官接稟乃詢諸穆拉油之族長俟其允准後始再委員會議議定後再備文詳覆該地方官地方官乃照詳總督而總督閱詳後再為細查果能准給而後始給之則此中轉折之繁可見而北慕娘則不然若求墾地一經入稟無不立准隨即命人量地何等快捷即求地一端相判已如是之速其他賦稅之繁簡更不必言然則諸佃戶安有不捨荷而趨英者乎

術士試奇 ○南荒詠頭之術無不靈稱其神奇而究之術之有無法之驗否本非外人所得而悉然習其術者頗不乏人大都詭其術之神故不惜專心致志也聞有穆拉油人名牙意者異端誤入素習詠頭然學之已久猶未自信其有成於二十日赴於梧槽某園內某園者為潮人郭甲所植者也牙闖入於門持一葷石戒指偽欲出售時郭夫婦拾其戒指把玩再三嗣以訂值不成牙遂飄然而去不料自牙去後不移時而郭夫婦同病發露語喃喃一若為鬼祟所凌也者嗣其夥某乙見郭夫婦病狀頗駭因問鄰家有穆拉油人某丙者向稱詠頭頗達遂延某丙踵園察治丙至而睹病者形狀即曰此為詠頭所傷者也乃為之履空念咒不移時而郭夫婦之病霍然若失後向丙察其致病之由據謂凡習是術者學將有成莫不出而試驗蓋以降頭隨附於物誤而觸之病即隨至倘觸之而病不生是其學之未成故其法之有未驗耳至是郭夫婦始悟刻前有一穆拉油人踵門而至欲售戒指一事嗣以訂值不成去後病生向丙瀝陳願末丙曰此必以降頭而附麗於戒指間蓋其人學將有成而特試其術果巧否也子之致病有自來歟後郭始願言不覺中焚憤火欲得牙意而甘心爭奈四處遍尋不知去向何處遂乃快快而歸然則丙之所言與牙之所為一若懸隔降頭之妙用而禍福疾疢皆握其權即造化之巧亦不過如是也者然耶否耶蓋有莫敢決之者矣

嚴懲花會 ○閩人蕭亞德寓於石叻門向以私開花會為射利計以故客囊充積用度殊覺裕如不料於二十日為查賭暗差察知因赴報於第一號捕房總差霍根拿旋經率同幹差多名赴於蕭寓圍室搜查果見賭具森列顯係聚賭遂拘蕭逮案二十一日經右堂晏太守提訊據情確故判罰犯英銀三百元無緩繳呈改禁四閱月以抵厥辜惟是日晏太守判畢並申明紀律據謂國家現立禁賭新章風行雷厲本擬於西五月一號即將該律舉行惟蕭所犯賭禁係在於西四月三十號內以故未便即將新章科決於彼愚頑是亦罪疑惟輕之意茲則太守判定謂自此案以後倘有尤而效之再犯賭禁即將禁賭新章判決也噫維彼賭徒應亦知所鑒計毋以身而試法焉斯可矣

啟者本公司製造廠開設在新嘉坡直落亞逸尾地方交易多年專造一切靈巧機器火鑄火鑄做大薯粒之器具及大小輪船汽機鍋爐並各種新式鋼鐵器皿一應俱全無不堅固耐久靈便合用願大甲 本公司開設有分廠並




代中西士商修整各種損壞機器工價格外公道如有 貴客賜顧者請至本廠面議特此佈聞 西一千八百八十一年十二月廿六號 德來安公司啟

美國峇打妙厘號新欸時鏢出售

敬啟者本行由歐洲辦到峇打妙厘號之新式奇巧時表來叻發售其鏢之巧妙實不可階約而計之其妙有五蓋其針行甚準無論位之動靜時之寒暑均無不驗所行暑度累黍無差且閱一月之久而亦不舛分秒之時一利也且其鏢之行不惟甚準而堪令人憑信不致觸目生猜二利也又其鏢機輪甚佳且殊堅固最堪耐久即使年湮代遠亦無廢壞之虞三利也至其鏢製甚精不惟適用而且美觀令人見之愛不釋手四利也矧其價復甚廉較之他表殊為省費五利也由此五利則誠非尋常可及且買此表者可保其用一年無須修理且一年之後即須修理亦無庸照其時價若他表須二元始能脩理者而此表則不過僅六角之資即能修復甚且無須六角蓋其機器係為新創其製造之法甚且請易於拆脩故也此表在美國係用機器製造計每日可成表二千枚故其料美價廉誠非他家可及而峇打妙厘所製有表鍊口多各欸俱備且其欸最新其工最巧較諸近來行用者又勝一籌矧其價復甚廉鍊銀僅由六角至二元至其表鍊黃者如金白者如 令人觀之無從辨其真贗倘諸君有欲購買者請至本坡各洋雜貨店中相問如該貨未備則請至本行面商本行坐落土庫後街廣豐行之鄰 諸君其臨移 玉趾至於本坡則惟本行代理並無別家並此佈聞 諸惟惠鑒

大英一千八百八十七年六月十五號 大清光緒十三年閏四月二十四日 莫實得洋行謹啟

蜜酒出賣



啟者本行由歐洲辦到上等密酒來叻發售其酒甚佳茲將標頭印出諸君光顧祈為細認免致有誤倘有無恥之徒假冒本行鎖匙標者本行定必嚴為控究再此酒不能販往加勝吧 三寶瓏 泗里末 望加錫 檳榔嶼 日裡等處其他各埠均能運往並此佈聞

大英一千八百八十六年十一月十六號 莫實得洋行謹啟



中外眾國有限保險公司

啟者本公司總局設在香港多年備有實本銀二百萬元已先收股份人來銀六十萬元及餘存銀六十萬元在館係本行代理承保各商貨物銀項運輪帆來往各埔其保費相用照例所有花紅之銀俟結賬之後按數分派前一千八百七十八年一千八百八十年每股得利息銀廿五八仙又一千八百八十年至一千八百八十二年每股得利息銀廿一八仙諸貴商賜顧者請至本行開相商可也 大清光緒九年 月 日 英一千八百八十三年八月廿七號 毛實德公司謹啟

啟者現本館新由上海寄到活字排板石印各書等書多約計百餘種茲以廉價發售諸尊欲採辦者請到本館選購是荷至其書目太繁不能殫錄予當另列清單附呈白覽可也 謹啟

西國醫士佛羅斯配製治病滋補氣血藥水能治肝癰肺癰胃弱飲食停滯心悸多驚四肢酸軟身體虛弱酒色過度等症經馳名於世二十餘年天下各國講究講養者多經服用屢試屢驗此藥水用玻璃樽裝載其如何功用另行布列一紙用華字印刊每樽附送一張用此藥水者每日服三次俱晨午晚膳後乃服每次用一茶匙以冷水或凍茶一酒杯開服須食一博之譜方得見効如蒙 光顧請到中國各口岸西人藥房採買其在本坡則各藥房均有發售如欲多買者則請至然里直洋行對門之新嘉坡藥房即勞末申藥房內麥加君處選購大樽每樽分作一百二十八服價銀一元半樽每樽分作六十四服價銀一元此佈

佛羅斯藥水

六十四服價銀一元此佈

大英一千八百八十八年正月十八號

美國紐約佛羅斯公司謹啟

線

啟者本行專辦英國贊拿士布碌機房各色上等棉線線轆發客此線轆與線球不同線身光滑於縫衣脚車手車甚為合用每個足長一百碼價甚相宜曾經呈請英國考驗幸蒙贊賞并賜金錢羊頭號標為記本行因此線雖久已盛行外國惟亞洲一帶向恐未有周知故特辦此來俾得利便中華之用 諸君一用始知余語之非虛 貴客光顧請認羊頭號標牌為記



售 庶免有誤 大英一千八百八十七年十一月三十號 香港希士洋行

新嘉坡代理人明馬也公司謹啟


酒

啟者本行督辦歐洲馳名三品洋酒來叻發售其酒係三頭款式發售有年沽飲 諸君莫不稱其香爽奈近有無恥之徒假冒本庄三品酒款式以圖魚目混珠情殊可恨嗣後 諸君若買本行

賣

若此字樣即屬偽冒請為細認特此佈 聞 大英一千八百八十五年十二月十九號 大清光緒十一年 月 日 明馬也公司謹啟

活侯亞士堅公司告白



啟者本公司向來開設本坡久為中西 商翁所賞識茲承英京末汝公司之命託本公司為該公司駐叻代售機器之人本公司既受所託不得不代為力肩鉅任將該公司辦事之誠製造之美以及貨物之多盡舉以告海內 諸商翁知悉緣該公司向來開設英京歷久無異素為英國人所賞識不特為英國人所賞識又為鄰國人所賞識不特為鄰國人所賞識兼且為天下各國人所賞識蓋因該公司立心持平交遊盡善物料既美製作復精所以能邀美譽於本國鄰國及天下各國者皆為此也現計該公司所製造之器械甚多筆墨難以盡述更僕不可備數非親至該公司目擊斷不能備詳所見茲不過略舉其大概言之亦存什一於千百中之意耳至該公司現經運到本公司存貯代售其中件數堆積如山邱不可枚舉茲因篇幅太狹不能盡錄以備諸商翁電詢擇其要而通行者略登報端以為 諸君採擇焉如水厚水筒皮帶等其價較別家稍為相宜貨而亦視別家為特妙請 諸君移玉到本公司一觀真有所聞未盡所見之概不啻遊山陰中道令人接應不暇矣至於本公司又有製造做大薯之機器以及水厘等各機器亦是名目太多不能備列謹此奉告尚祈實然賜顧為慰現本廠已遷至工部局貨倉左鄰近復分枝一廠在吉隆坡仙四師爺官後大馬路至下巴雙河邊橋頭右邊開張以便吉隆 諸君選沽機器以及修理機器等事 諸君光臨請移玉趾是荷 大英一千八百八十七年十一月九號 活侯亞士堅公司謹啟

新欸歐洲馬車鞍轡等件出售

啟者本馬車房自一千八百六十二年開設在小東陵大路邊迄今二十餘年素蒙 諸君惠顧遐邇馳名本車房專代 諸君製造各欸馬車無論四輪雙輪大小明暗各車均能製造所用物料均係上等而抹漆畫線亦皆精妙異常其木料均係選用上等美材且皆預買放乾然後製造故無裂綻變樣之病是則不惟悅目并且耐用與平常所售者不同倘 諸君有命本車房製造各車者懇即惠臨務能如意而本車房并有經用之馬車出售雖曾用過然再加修飾與新製者無殊其車則四輪雙輪大小欸式無不備有以備諸君選購更可代 諸君修理一切車輛其物料概由歐洲預辦充足無須臨時購買故修理甚捷可以尅期告竣且價甚相宜倘 諸君有惠顧者其在本坡則可至本車房面商其在外埠則可函知本車房自能備辦并有各車目錄列明以便選購而本車房復有鞍轡等件出售有服車者有乘坐者其中大小雙單各欸俱全此鞍轡均由歐洲督辦來坡倘 諸君欲更往歐洲採購者本車房亦可為之代辦並能指其馬匹大小配以鞍轡務令合宜即修理舊馬鞍使之重新亦無不可而本車房更有樹乳之踏足墊出售此墊可自剪裁大小均由尊意 諸君購辦始知其貨之精也 再本車房因生理日益加增而工件每思不敷茲更欲廣延各匠以司其事如鑄鐵造木油漆畫線及皮工等類倘有工藝超羣者可即前來相商果能合用自必不惜重價酬勞如欲知其詳細情形者可至本車房細詢便得特此佈聞 大英一千八百八十八年四月十四號 南末兄弟車房司理人麥吉利謹啟

歇業重開 ○勞士拍賣館向在叻中開設夫歲抄業經開歇現聞該館規模重振復於土庫街第三十五號門牌開設今已照常代人拍賣矣

朝使還國 ○朝鮮國王照例遣派使臣於去臘廿八日到京賀歲賀表方物由禮部進 呈畢該陪臣即於前門內會同四譯館暫駐 既而該陪臣拜領 頒賜厚儀並隨帶行李四十餘車率同隨役於二月廿二日東裝出京薄陸而回朝宗 上國來享來王感舉也

戲謔無益 ○客有自白門來者據稱金陵馬家橋地方有和尚好與無賴為伴侶年家失足烟霞窟俯仰呼吸幾不知人間何世某甲以和尚樂此不疲也嘗虧睡其臥榻之旁以示挾制僧甚厭之前日之夕僧忽將烟膏八分燒成一巨泡與甲賭勝負曰若能一口吸盡口鼻間無一絲烟出者每日即奉此為壽否則方外人慣吃白過以此往請無預乃公事甲自計有纏人咽此當不致醉如泥遂知所約吸罷且示餘勇可賈僧亦誇其能以少許勝人多許未幾甲稍稍有倦色僧方命取冷水調鹽飲之而甲已倚枕扶之不起僧亦就白木床息燈而睡天將曙僧家例有功課雖臨禪門口誦而諺有做日和尙撞日鐘之說故此時不能不以木魚聲與宣佛聲相應答亦事欺人也僧既起呼甲不應視之則無息而水矣先是甲無瓜葛親既死則有出為痛惜者并有欲為鳴官伸雪者僧大懼流涕鄰為之調楚費百金遂得免官相驗論者謂和尚設此奇計未免笑裏藏刀先露殺機固宜香積廚中積蓄為之一空也客又稱金陵風氣最惡人說其戴綠帽子者知出自何典大約以其非吉祥語故深惡之城南有某公館一公子年少而善騎跨較轡身輕如葉而性又揮霍見者皆目為嘍噠後身一忽以洋十元向天和帽作定做軟胎五十頂皆視十歲童子所戴者為之以花邊圍綠色縐且嵌金馬約淡句即取貨此去職事也久之竟無消息前日公子復搖鞭過其門店夥頭遮馬首責以負約公子伴問何事夥曰君不記五十頂綠帽子乃君家物乎公子頸忽赤對眾言曰天下有一家用得著許多綠帽子者乎無論前無此事即使有之當下亦合開明來歷要許多綠帽子何用語罷長揚不顧而去店主固長者猶從後呼曰公子且息怒此貨頂好包管公子自用且送人至價值何妨再打折頭公子仍不顧於是觀者始知此童狡獪而笑店主之欠斟酌焉或曰是胡不鳴之于官或曰此家有氣傲即鳴官恐不理店夥不勝其忿乃伺於路隙待其乘騎過突起驚之公子墮馬竟折其胫云客又稱某甲者即市井所謂牌九司務也用心計得入某公子之門公子皖北之貴胄性豪邁而談論間未免喜以淹雅凌人甲知已乃俗物不足以動公子乃邀筵片中之工詞令而習趨承者使朝夕從公子遊公子果以孟嘗君之待馮驩者待若輩駭駭乎又不止出有車食者魚矣一日公子方欲與客博爭為恐公子之或北也從容諷阻之公子諭以與人言信不可失甲伴不得已更覓精於五木訣者與之俱計局竟敢北富各出百五十金償博者海海不相下與俱者謂公子入局時作大言許我毋使寒乞相今宜引史佚無戲言之說以為証請獨任否則兩肩荷一口惟命是聽是時公子被禍憾益不耐顧問甲曰若輩不顧體面可以蒲伏公庭公子何面目見江東父老子曰若然則噬臍無及矣祇得忍氣與之拔劍斫地三日我特精明始為所誤然尚不悟甲實賭者之黨羽巧構此騙局俾墮其術中而不覺耳客又稱有新婚者夫婦面皆冠玉當日金蓮爛底已有冰清玉潤之譽小鴛鴦相偎相倚後益熾媚并不知閨房中有甚於畫眉者為何如事矣宇俗新嫁娘纒匝月必歸寧其父母父母舍之或兼旬或旬旬力贍之家彼此相率延為上客藉拖八幅釵擁雙飛不比從前之房櫳深閉矣燈節後婦正在母家逐姊妹東鄰西里商量遊踏青鳳頭鞋子忽其婿遣老嫗相逐未去次日即如岳少保一日奉金牌十二眾咸莫解婦入門方整笑欲問促駕之由婿從後繫繩其頸幾為安祿山之爪傷貴妃婦驚而啼幸伉儷尚燕婉婦又柔順雖反目而絕不聞獅吼越日從容究出根由乃知緣某同窓友獻言某日在某處觀一麗者與少年倚門笑語擲果誤中其肩等語其實並無此事某不悟其戲已也賦驗其地當屬甥館門首因此疑團莫釋婦既自剖辯又令夫詣友証其實友始輒然謂言戲之耳由是琴瑟和好如初噫此等事所關甚鉅彬雅少年尤不宜窺宋玉之牆解漢皇之佩快片時抵掌之談詔承世泥塑之禍書之以見戲謔之有損無益云

京報選錄 ○頭品頂戴四川總督臣劉秉璋跪 奏為選員請升邊疆要缺道員以資治理恭摺具奏仰祈 聖鑒事竊福建建昌道黃

森於光緒十二年九月二十五日在任因病出缺缺應以該道病故本日作為開缺日期經臣恭疏 題報聲明所遺員缺係衝繁難題請要缺在外林員升調應酌量並報缺咨部在案查該道管轄三府二直隸州兼管土司部落二百七十餘處南界滇省西接藏衛漢夷雜處地廣政繁控制巡防最關緊要非精明幹練諳熟夷情之員不足以資治理臣督同藩臬兩司在於通省定缺及候補勞績各道員內逐加遴選非現居要缺即人地未宜實無堪以調補之員惟查有成都府知府黃毓恩年五十三歲湖北鐘祥縣人由廩生中式同治元年壬戌 恩科順天鄉試舉人乙丑科進士改翰林院庶吉士歷授京職乙亥丙子兩科 簡放山東副考官甘肅正考官光緒二年二月由 京察一等 記名以道府用三年十二月奉 旨補授四川夔州府知府四年九月二十一日到任八年署成都府知府五月二十六日到任九年 大計保荐卓異十一年二月平反三台縣斬犯馮體意案內奉准部咨行令送部引 見十月經前督臣丁寶楨奏委兼署成綿龍茂道篆十二年正月奉 旨調補成都府知府復遵海防例加捐花翎領有執照七月十二日交卸道篆十三年補行十二年 大計保荐卓異計自光緒四年九月到夔州府任起和至十二年九月接算八年俸滿嗣因光緒九年並十三年補行十二年 大計保荐卓異又十一年二月委審平反三台縣斬犯馮體意

一 案於十三年九月併案給咨赴部引 見前報假三月順道回籍先行修墓是月二十五日交卸成邵子家交代清楚並無經手未完事件於十月二十五日領咨起程查該員黃毓恩氣度端凝才具敏練歷任地方政聲素自於夷務情形尤為熟悉以之升補建昌道邊疆要缺實堪勝任任內並無降革留任展卷案件一切因公參罰處分例免核計歷俸已滿例得請升據藩司楊蔭棠司游智開會詳前來合無仰懇 天恩俯念要缺需員准以黃毓恩升補建昌道實於邊疆吏治均有裨益如蒙 俞允俟該員黃毓恩到京引 見後勅令將升補建昌之案就近由補補行引 見所遺成都府知府係省會要缺應請 旨簡放所有揀請升邊疆要缺道員緣由理合會同成都將軍臣宗室岐元恭摺具奏伏乞 皇太后 皇上聖鑒訓示再此案和至光十三年十二月初十日限滿合併陳明謹 奏奉 硃批吏部議奏欽此 ○謙德片 再查山海關地方去冬雪澤未能霑足前經奴才於上年十二月二十七日專摺奏報得雪分寸在案本年正月初六日復得微雪一次茲於十三日已時起彤雲密布溼沛祥霽至十四日卯時止得雪一尺有餘所屬地一律普霽澤民情歡洽洵足上慰 宸廑理合附片具陳伏乞 聖鑒謹奏奉 硃批知道了欽此

延請書記 ○啟者本號欲延用書記二人一則用以抄寫一則用以記賬其人須久居叻地熟悉情形者始能合用 諸君有合意者請至本號面商可也 大清光緒十四年戊子三月廿三日 萃蘭亭錦裕號陳桂蘭謹啟

馬車出賣 ○啟者茲有四輪馬車一輛乃係明車甚屬堅固輕捷且價甚相宜不過取回一百一十元倘 諸君有欲購買者請至土庫花園邊第二十四號門牌內詢問便悉此佈 大英一千八百八十八年五月一號 下懋謹啟

莫實得公司
啟者本行所售洋酒素蒙 諸君雅愛稱譽良多而本行於仁酒一項尤為出色今特更定善章自後本行所有沽出之仁酒概用樽裝載而樽之兩傍則有英字將製酒人之名列出如下所登之英字而每樽更有稻草包裹以期不至多所損破實為善善至此酒係為本行一家沽出並無別處售賣諸君有欲購買此酒者可向本行閱貨議價可也茲將樽傍票字列登於下 大英一千八百八十八年四月三十號 光緒十四年三月二十日 新嘉坡莫得洋行謹啟
A. VAN HOBOKEN & Co. ROTTERDAM.

啟者本店開設在國家信局對門即來安公司之隣專在歐洲督辦各式時款鐘表來叻發售計有銀表一種最為名貴每枚價銀二十五元并有大小各式金表甚多均屬當行出色者更有無須表匙自能上練之銀表每枚價銀五元其表甚為堅固至於時鐘則各體俱備無論掛鐘座鐘以及石質之鐘皆備其鐘皆異常美麗以備諸君選擇他如金表金匙相盒金表練金戒指等各物甚多不能備錄而本店并能代 諸君修理鐘表以及風雨針等件甚為精細保能晷度無訛 諸君惠顧請即移玉 光臨為盼 大英一千八百八十八年四月十七號 模申鐘表店謹啟

新地出投 ○啟者茲承丹戎巴葛填地公司之命定於西五月廿四號即華四月十四日禮拜四下午二點半鐘在本館內拍賣該公司之地段共七十四區其地係坐落丹戎巴葛路邊及然申路邊甚為貴重而所定之拍賣章程於買主最為利便其詳細條款應近拍賣之期再行分給倘 諸君現欲知其詳細情形者可向本館詢問便妥特此佈聞 大英一千八百八十八年四月廿八號 吉靈館主謹啟

嗎也兄弟洋行告白 ○啟者本行自開設以來素蒙 諸君惠顧即如鴉片烟土一項尤廣銷流茲特聲明自後 諸君有向本行購辦烟土者無論現售之貨以及浮水之單本行甚欲 諸君親自到商即或不暇亦祈命親信之伴到本行面議所有一切經紀人等到本行商問者本行概不與之應酬先此預聞幸其自諒此佈 大英一千八百八十八年三月二十六號 嗎也兄弟洋行謹啟



敬啟者余向習眼科自問頗得其中三昧爰將眼科利病熟參其法作為眼鏡以利 諸君前居英京時曾蒙 列公獎譽茲以出游道經叻地不過稍作勾留約住三四禮拜之久遂即他適倘 諸君有以目患就商者請至拋球場大酒店第十五號房內垂詢便得至余此行携有眼鏡甚多均屬新奇出色精緻異常無論老眼眼近視各種一切俱全以憑 諸君選擇此種眼鏡皆余親以新法製與平常所沽者不同每對價銀在五元以上 諸君賜顧請移玉 惠臨選閱可也 大英一千八百八十八年四月十四號 西國生眼科醫羅倫士謹啟

啟者本行由小呂宋督辦上庄選葉呂宋烟發售其貨均屬上等並無低貨摻雜且價甚相宜其中每箱有十五枝者有五十枝者有一百枝者各款俱備香美異常因邇來西人年節將屆用此以作禮儀餽贈最為合式且能與 諸君代辦小呂宋各貨 諸君賜顧請至土庫花園邊笑爾堅洋行之後與與密加釐士打索路店隔鄰本行相酌是荷 大英一千八百八十七年十二月七號 大清光緒十三年 義士連洋行謹啟

大英國欽命叻嶼甲三州府輔政使司 為招商承餉事照得三州府所設之烟酒兩碼將已到期照例先期招商承充本屆餉碼係於西一千八百八十九年正月一號起承辦以三年為期計開 新嘉坡烟酒碼 檳榔嶼烟酒碼 麻六甲烟酒碼 以上各碼如入票承充者或一碼或數碼須於英本年九月三號十二點鐘以前將票寄交新嘉坡輔政使司或檳榔嶼麻六甲參政司其票內要書明投票人之姓名住址事業以及担保之人零沽烟價在叻嶼二處每兩最多沽銀二元二角每錢沽銀二角六占在甲埠每兩沽銀二元每錢沽銀二角四占在甲山頂則每兩僅沽銀一元七角每錢沽銀一角七占各票或乘或取皆由國家主裁酌量辦理務期利便投票人不得執價高者得之例凡有欲知詳細者可到叻坡輔政使司署或嶼甲二埠參政司署詢問便知一切此示
大英一千八百八十八年四月七號 大清光緒十四年戊子二月二十六日 示

大英國駐劄芙蓉詩林萬等處地方參政司 為招商承餉事照得芙蓉全境除龍宜宋宜勝爺盧骨三處之外向設有烟土碼酒碼以及賭當二碼今將到期故照例先期招商入票承充本屆餉碼係於一千八百八十九年正月一號起承辦以三年為期計開芙蓉全境除龍宜宋宜勝爺盧骨三處地方以外之 烟土碼 此碼每土一粒可抽稅銀六元 酒碼 此碼可以自行造酒發賣並可出牌與別人販賣凡遇載酒進境者除龍宜等三處以外亦可照王家所定之稅則抽稅 賭當兩碼 此二碼須照王家隨時所出之規條而行再字厘巫各碼與以上之碼相同現亦招商入票承充凡有欲知詳細者可到芙蓉參政司署詢問便知抑付信往查亦無不可但各票須於英本年九月三號十二點鐘以前送往詩林萬參政司署或乘或取均由王家定奪不得執價高者得之例先此示明以免後論
大英一千八百八十八年四月七號 大清光緒十四年二月二十六日 示

大英國駐劄芙蓉詩林萬等處地方參政司 為招商承餉事照得龍宜宋宜勝爺盧骨所設之烟碼賭碼酒碼將已到期照例先期招商入票承充本屆餉碼係於西一千八百八十九年正月一號起承辦以三年為期計開 龍宜 宋宜勝爺 盧骨三處地方烟碼賭當二碼此二碼 須照王家隨時所出之規條而行 酒碼 此碼可以自行造酒發賣並可出牌與別人販賣凡遇載酒進境者亦照王家所定之稅則抽稅 凡人欲知各碼詳細以及一切埠內各種植家例准自行載酒進埠煮用並可減價買酒等情形可到芙蓉參政司署詢問便知抑付信往查亦無不可但各票須於西本年九月三號十二點鐘以前送往或乘或取均由王家定奪不得執價高者得之例先此示明以免後論
大英一千八百八十八年四月七號 光緒十四年戊子二月二十六日 示

大英國駐劄能記厘甚味蘭等處地方參政司 為招商承餉事照得本境各餉碼將已到期茲特先期招商入票承充茲將各處餉碼列明於左 一林卯全境賣片烟餉碼 二檳濱 古盧全境賣片烟餉碼 三裕何 嚴冥仄 伊拿全境賣片烟餉碼 凡屬錫蘭繳主 國家准其向碼官買烟土每粒價銀二十三元不得不得賣 四詩厘味蘭地境內 鳴盧慢 染寶 礁勝結牛耶巴些等處地方之抽煙土稅餉碼 此碼每土一箱四十粒準抽稅銀二百八十元 五林卯全境賭碼當碼酒碼 六檳濱古盧全境賭碼當碼酒碼 七裕何嚴冥仄伊拿全境賭碼當碼酒碼 八詩釐米蘭地境內鳴盧慢染寶礁勝結牛耶巴些等處地方之賭碼當碼酒碼 凡有欲知各碼詳細者可到麻六甲參政司署或能記厘甚味蘭瓜勝勝之參政司署詢問便知一切第一二三三四碼分投亦可同投亦可第五六七八四碼亦如之但各票須於英本年九月三號十二點鐘以前送往麻六甲參政司署或乘或取均由 國家定奪不得執價高者得之例先此示明以免後論
大英一千八百八十八年四月七號 大清光緒十四年二月二十六日 示

貴重地段出投 ○啟者茲定于西五月三號即華三月二十三日禮拜四下午二點鐘拍賣地段一區該地坐落加籠橋地方附近港傍此係新填地段甚為堅實以之建造棧房貨倉等類甚為合宜且尤勝於丹戎牛等處蓋其地可由陸路前往無須舟楫故也現該地有圖存於本館以備諸君看閱 諸君有合意者請如期 玉臨投買是荷
大英一千八百八十八年四月三號 巴越館主謹啟

貴重洋樓出售 ○啟者茲有最為貴重之大洋樓三間坐落土庫前海傍第十七號十八號十九號門牌該洋樓廣闊軒敞異常即現在莫實得洋行滙豐銀行及甘巴士與狀師怒魯申麥敬疏之寫字樓是皆為叻中最佳之地茲欲出售與人價甚相宜若無售主則至西五月內必為拍賣倘 諸君有欲購買者請即移 玉臨臨本館相商如欲知其詳細情形亦可向本館詢問特此佈 聞
大英一千八百八十八年四月十九號 吉靈館主謹啟

眼鏡傳名 ○啟者前兩載余經用羅倫士先生之眼鏡誠有益於眼睛迄今無異茲羅君向有各等眼鏡發售現寄寓拋球場大酒店第九號房位誠恐 諸君需用不知住止故羅君央余佈告俾本坡各友知所問津焉此佈聞
光緒十四年三月十五日 振成公司謹啟

賞格 ○啟者茲有閩省福州人林發本林發陰林發鈺之弟名仁仁又名擊擊來叻改名炎契即林長乾之子突於三月十四日二點鐘時候偷去本號厝稅銀一千零四十七元八角携帶逃遁現今不知去向如有君子知其下落來報者即謝花紅銀五十元決不食言特此佈告
大清光緒十四年戊子三月十六日 苑生告白

